

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Guinea cum insulis S.Thomae, principis & anni boni

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Guinea cum Insulis S. Thomæ,

Principis & Anni boni.

GVINEA.

Regio.

GVINEÆ Regnum eo tractu est, quo *Gangines* Æthiopes, de quibus apud Orosium & Æthicum, teste Ortelio. Incolis *Ghimi* dicitur. Regio Nigritarum est. *Nigritæ* dicuntur adcolæ fluminis Nigri, qui mediam regionem præterfluit Nili instar agros vicinos fecundans. Crescit hic, ut & Nilus mense Iunio, totos dies XL quibus per regionem vicinam navigare licet. Itaque obducta tellus miro proventu rerum luxuriat. Circa flumen planities amplæ, nulli Montes aut colles. Silvæ frequentes, quibus Elephantum pascuntur. Crebri Lacus, qui ex Nigri inundatione dicuntur remansisse. Aer saluberrimus, adeo ut morbo Hispanico laborantes, si in eam regionem proficiscantur certo convalescant. Sermo Nigritis varius, pro Cælo & Solo. Religio varia: Sunt in Mediterraneis Christiani, Mahumetistæ, Gentiles. Maritimi vero omnes Idola colunt. Reges Nigritarum sunt tres. *Tombuti*, *Borni*, & *Gaoga*. *Gualata* etiam proprium Regem habent. Color omnibus nigerrimus. Ceterum *Guinea* Regnum inter *Gualatam*, *Tembutum*, & *Mellis* situm est, a Nigro flumine ad Oceanum usq; Æthiopicum. Aer *Guinea* nostris corporibus noxius est, tum ob Cæli intemperiem, tum propter pluvias, quæ putredinē pariunt & Vermes. Est autem Hordeo, Oryza, Gossypio, Auro. Ebores: Ovibus item & Gallinis abundans. Est & Aromatis quoddam genus, sapore piperi conforme, Lusitanis *Melegnetæ* dictum. Aliud item duplo efficacius Piperi Calicutiano, vocaturq; dictis Lusitanis *Pimienta del Rabo*, quod tamen vendere non licet, ne vulgare Piper prorsus sordeat & vilescat. Fructus alios præter Dactylos nullos habet, sed eos ex Numidia aut *Gualata* Incolæ perunt. Quadrupedum imprimis Elephantorum & Simiarum, Aviumq; ingentē habent copiam, præsertim vero Pavonum & Psittacorum cinericiolorum. Habent & minutas quasdam Aves quæ ex arborum ramis pendulū sibi ipsę nidum singulari arte construunt. Arcem, Opidum, urbem, non habent. Pagum unum duntaxat amplissimum, quem Principes, Sacerdotes, Doctores, Mercatores incolunt: ceteri sparsim degunt. Circa *Caput Lupi Conzabvi* Incolæ Solem, Lunam, Terram adorant: hanc sputo inquinare magnū apud ipsos piaculum. Cutem sibi ipsi conscindunt potius quam scarificant, & postea unguento quodam colorato tingunt: bello ipsis, nobis stupendo spectaculo. Solutant Principem in genua prolapsi, manibus complois: aliis inclamant *Fuio, Fuio, Fuio*. Inter prandendum potu abstinent, pransi bibunt vel Aquā vel Vinum è Palma. Palma hæc non ea quæ Dactylos seu Carvotas fert, sed ab hac arbor diversa, quovis anni tempore succum emittens. Arboris truncum sauciant, lachrymam inde manantem vase aliquo exceptam ad ebrietatem usque hauriunt: quippe cum liquor is sit Vino quovis etiam generoso meracior. Color ei subcinericius, *Mignolum* vocant. Nec major est proventus arbori, quam binæ ternæ mensuræ intra diem naturalem,

Fert ea

*Situ.**Cæli temperies.**Soli fertilitas.**Animalium varietas.**Morus.**Vitus.*

Vestitus.

Fert ea arbor fructum Olivæ triplici virtute pollentem : Oleum videlicet, ut odoris violacei, saporis olivæ : id si dapibus adhibitum fuerit, eas uti Crocus tingit, aut eo amplius, Viri juxta & Feminae nudo capite incedunt : quibusdam segmen est ex corticibus arborum aut Nuce Indica confectum. Sunt qui superius labrum fauciatum habent, perque illud foramen & per nares Eboris frustra adigunt, hoc ipso ut opinantur, valde formosi. Alii ex interstitio narium, aut è labris ebur gestant, & conchas : quidam etiam pertuso inferiore labro linguam tanquam per os alterum exsertant. Vestimenta contexunt ex arborum libris, hisque decore scilicet, verenda tegunt : ex iisdem floreis non ad usum, sed ad ornatum nexus gerunt Simiarum & Cercophithecorum pelles, cum Nola. Oculum alterum rubro colore tingunt, alterum cæruleo. Feminae ditiores ingentes annulos ex ferro, aere rubro, aut stanno cruribus neſtunt. Pollremum in stupida & putida barbarie mirifice sibi placent. Horum numi aurei sunt nulla inscriptione insigniti : utuntur etiam numis ferreis in rebus vilioribus emendis.

Infula S. Thomæ.

*Regio & unde dicta.**Situs.**Aeris qualitas.**Soli fertilitas.*

INSULA S. Thomæ sequitur nunc explicanda : inventa a Lusitanis die festo B. Thomæ, a quo etiam inditum loco nomen. Sub ipso Æquatore sita est forma pene rotunda. Ejus diameter est 1 x milliarium. Hac eam detegeretur tota confita erat proceris arboribus, quarum tami sursum crescebant. Pestem nescit : Aer calidus, & salubris : pauci tamen Christiani hic ad quinquagesimum ætatis annu pertingunt : ita ut prodigiosum foret inter illos cana barba aliquem videre. Indigenæ vero facile ad centesimum annum vivunt. Dies noctibus semper æquales. Mensibus Martio & Septembri crebræ & densæ pluvie decidunt, quibus solum humectatur, cæteris mensibus rose copioso recreantur Fruges. Solum ipsum Insulæ tenax, lentum, colore subratto. Frumentum, Vites, aut Arborem duriuscula ossa habentem non paritur : fert aurem Melones, Cucumeres, Cucurbitas, Ficus, Gingiberis & Sacchari inprimis ingentem copiam, adeo ut quotannis xi naves Saccharo onustæ solitæ fuerint ex hac Insula alio exportari, proque Saccharo suo Vinum, Caseum, Frumentum, Coria, aliaque ad vitam necessariâ importari. Sed desit proventus ille ex quo tempore vermiculi quidam arundinum radices perfodere ceperunt, adeo ut nunc vix vi naves Saccharo illic nato possint quotannis onerari. Liberaliter etiam Milium, Orizam, Hordeum præbet. Lactucas item, Brassicas, Rapas, Betam, Petroselinum, Herbas hortenses magna luxurie profert. Præter has radicem quæ apud Indos crescit in Insula Hispaniola, quæ illic *Batata* dicitur. Nigri hujus Insulæ dicunt *Ignamiam*, ac plantant tanquam herbam exigiam eorumque vitæ necessariam. Cortex exterior nigri coloris est, interior albus forma oblonga, instar majoris rapæ, atque in radice plures ramos habet. Castaneas gustu representat : melior tamen & delicatior. Vulgo sub cineribus aut prunis cocta, aliquando etiam cruda comeditur. Incolæ Hispani huc aliquot Olivas, Persicos, Amygdalos, aliasque arbores transtulerunt : quæ plantatæ pulcherrimæ quidem aspectu fuerunt : sed nunquam ullos tulerunt fructus. Est in hac Insula Cancrorum mirificum genus, quod in terra Talparum instar

instar degit, thalassii coloris : solum subvertens : hoc omnia longe lateque infestat, arrodit, absumitque. Reperitur etiam in hac insula Avium ingens numerus, Perdices, Sturni, Merula, Passeres virides modulantes, & Pitta-
ci. Urbem in ea Lusitani condiderunt *Pavosum*, ad flumen, in qua 1500 familiae creduntur habitare, præter
Episcopum aliosque ordinis Ecclesiastici homines. Portum optimum annemque saluberrimum habet. Ad
piscationes incitant in Mari omnis generis pisces. Imprimis vero res miranda est infinitum numerum Bale-
narum conspicere, quæ in hoc, & in reliquis Africæ littoribus reperuntur. In media Insula mons est valde ne-
morosus, qui perpetuo nubibus tegitur adeo densis, ut ex Silvis aquæ manent rigandis Sacchari arundinibus
sufficientes: quoque Sol est sublimior, eo magis Cælum est circa Montem illum nebulosum. Incolæ partim albi
sunt, partim nigri. Mirum quod narrant, nigros admodum Pulicibus, Pediculis & Cimicibus infestari: albos ne-
que Pediculos, neque Pulices, neque Cimices in lectis habere.

*Animalium va-
rietas.*

Vs Pavosa.

Mons.

Insula Principis.

HAUD procul inde, citra Equinoctialem tamen gradibus pene tribus, *Insula est Principis*. Hæc ex eo no-
men traxit, quod *Principi* Portugallia hujus Insulæ reditus esset assignatus. Satis culta est, & proventu Sac-
chari celebrata. Crescit & in ea Palma, cujus supra mentionem fecimus, ex qua succum eliciunt quo, sitim levât,

Vnde dicta.

Cultus fertilitas.

Anni Boni Insula.

ANNI *boni* vel de *Annobon* Insula, sic dicta, quod sub novi Anni auspiciis detecta fuerit. Ea ultra Æqui-
noctialem Austrum versus pari intervallo sita est. Inhabitata est: sed ad ejus littora optima piscationes
sunt: atque his locis Pisces volantes interdum apparent. Crocodilorum etiam hic ac venenosorum
Animalium incredibilis copia. Atq; hæc de *Guinea* & hisce Insulis, deque *Africa* hæcenus dicta, suf-
ficiant. Libet autem adscribere Coronidis quasi loco, quod *Æneas Gazæus* Græcus Scriptor retulit in Theo-
phrasio suo, sive libro de animarum immortalitate, & resurrectione mortuorum, Martyres ac Sacerdotes ma-
gnæ Libyæ, evulsa a Tyranno & excisa ipsorum lingua, nihilominus clare locutos fuisse, ac annunciasse animo
hilari ac magno Dei magni dia, quod obtupestactum se vidisse & audivisse commemorat. Qui porro, quam ego
attuli, plura perat, consulat moneo ex veteribus *Salustium* in bello *Iugurthino*: *Hannonis* Africæ circumnavi-
gationem apud *Arrianum*: & *Iamboli*, apud *Diodorum Siculum*: item *Melpomenen* *Herodoti*. Ex recentio-
ribus *Aloysium Cadamustum*: *Vascum de Gama*: *Franciscum Alvares*, qui *Æthiopiã* perlustravit: *Ioannem*
Leonem qui omnium accuratissime eam descripsit: & *Ludovicum Marmolium*: item *Livium Sanutum*, & alios.
De *Nilo* fluvio totius Orbis terrarum maximo, extant litteræ *Ioannis Baptistæ Rhamusi*, & *Hieronimi Fraca-*
storii. Nos ad tertiam Orbis partem *Asiam* pergimus.

Vnde dicta.

G g g ij

In Asia